



政治典訓初集

卷六十四
定禮樂



政治典訓初集卷第六十四

定禮樂

康熙四年九月癸巳

上册立

皇后嘉禮既成詔告天下

詔曰帝王承

天立極作民父母使四海同倫萬方嚮化匪獨外

治蓋亦內德茂焉故政教弘敷肇先宮壺所

以共承
宗廟助隆孝養綿本支睦九族甚鉅典也朕祇續
鴻基萬念倫紀茲者

聖祖母昭聖慈壽恭簡安懿章慶敦惠太皇太后
深惟婚禮為天秩之原王化之始遴選賢淑
俾佐朕躬正位中宮以母儀天下欽遵

慈命虔告

天地

宗廟於康熙四年九月初八日冊立內大臣噶布
喇之女黑舍里氏為皇后惟朕躬暨后允修
厥德夙夜敬慎期克紹於

徽音庶俾薄海內外丕協倫常洽被仁恩幸臻上
理布告天下咸使聞知

○康熙十一年正月乙丑

上諭太常寺曰國之大事在祀宜敬謹精嫻始
可以格神祇而享人鬼近見爾衙門典禮俱

未諳練所奏音樂多不合節殊非慎重禮祀
之義自後當勤加嫻習勿仍前怠忽褻越祀
典

○五月乙丑

世祖章皇帝實錄告成

上御太和殿大設鹵簿奏樂監修總裁纂修等
官奉表恭

進

上立受尊藏監修總裁等官行禮畢諸王貝勒

貝子公等及文武各官奏曰洪惟

世祖章皇帝神功聖德纂述成書光華萬世臣等

不勝懼忭理當慶

賀

上傳制曰

世祖章皇帝功德配天纂脩已成朕心懼慶與卿

等同於是諸王以下皆行禮禮畢還

宮

○康熙十二年六月丁巳。先是祭奠文廟。止漢官齋戒。至是

上以尊師重道。不應有滿漢之殊。

命禮部議凡滿洲文官遇丁祭。皆一體齋戒。

○八月丁巳。

上諭禮部印

壇

廟祭祀國家大典。必儀文詳備。允符古禮。乃可

肅將誠恪。昭格神明。其致祭時辰。齋戒處所。

稽諸往代。各有定制。爾部其詳察典例。定議

以聞。

○十二月庚子。

上諭曰

廟壇

禮祀理宜敬共。多士駸奔。儀當整飭。今觀祭

祀時執事之人過多殊為煩雜應酌量裁減
務令肅清禮部太常寺會議以聞部臣等議
覆凡祭

壇廟

執事之人及樂舞生各有定數今遵

旨量加裁減或仍舊存留分別開列至會典所
載祇有監察御史侍立之例其禮部滿漢
堂官各循班次行禮傳其

壇上侍立

詔曰

○康熙十六年三月甲午

上諭禮部曰凡遇慶賀盛典朕率諸王大臣詣

太皇太后

皇太后宮行禮班行齊集不可無監察之人應設

監察御史侍儀爾部議奏於是部議自後凡

遇

皇上率諸王大臣詣

太皇太后行慶賀禮時宮監察御史在

慈寧門外及

永康左門外侍儀詣

皇太后宮行禮時在大門外及後班侍儀如有違

例行禮不齊者即指名糾劾

○九月丙子內大臣覺羅武默納等還自長
白山先是

上諭內大臣覺羅武默納侍衛費耀色塞護禮

索彙曰長白山乃

祖宗發祥之地祀典宜重今無確知之人爾等

前赴鎮守烏喇將軍處選熟識路途者導往

詳視明白以便酌行祀禮其寧古塔等處亦

併視之爾等可於大暑前馳驛速去於是武

默納等先奉

命直至長白山至是復

命

上曰長白山發祥重地奇蹟甚多山靈宜加封號永著祀典以昭國家茂膺神貺之意令禮部會同內閣詳議以聞

○康熙十七年正月庚寅

上以長白山龍興巨鎮祀典宜如五嶽

命內大臣武默納一等待衛對秦往封長白山之神至二月乙丑

上御殿親視祝文香帛

○康熙十九年正月戊申吏部言

孝陵冬至大祭贊禮郎威黑布爾哈贊禮錯悞

應各罰俸一月

上曰典禮所關甚鉅豈容舛錯此議尚輕

命部嚴定則例奪俸六月著為令

○康熙二十一年正月辛未

上以

太皇太后

皇太后聖誕及元旦冬至令節

兩宮慶賀大典攸關宜有一定之禮以防參越

命禮部詳議儀制於是自親王以下大臣隨至

宮門行禮其餘在京文武諸臣及直省進表

各官悉如加上

徽號典禮於

皇上行禮時在

午門外行禮

二月壬午副都御史余國柱請釐正

郊廟燕享樂章

上曰饗祀樂章一代制作所係禮部翰林院集

議以聞於是部臣等議自古廟樂原以頌述

祖宗功德

本朝郊祀

天地各

壇

樂章曲名曰平見今遵用已久况

太

祖

太

宗

世祖同在

太廟致祭不便分廟另撰宜如舊惟朝會燕饗等

樂會典所載曲調風雅未備宜

勅下所司酌古準今求聲律之原定雅奏之制

進呈請定嘉名以昭盛典

上報可

○三月癸酉

上至雞林烏喇地加以長白山為

祖宗龍興之地神靈有赫率

皇太子及扈從諸王貝子公蒙公諸王台吉

內大臣侍衛文武官等詣烏喇江岸東南

向望秩行三跪九叩頭禮

○六月壬辰禮部覆給事中李迥條奏脩輯會典因各部屬員乏人俟各差還日再行題請

上謂大學士等曰會典係一代章程羣工法守纂修豈可或緩每部撥司官二員即可辦理今推諉遷延甚非誼也爾等傳諭禮部令其勒限修輯

○乙巳先是學士陳廷敬撰雅樂十四章牛

鈕等恭譯進呈

上留覽數日至是傳牛鈕陳廷敬至

瀛臺侍衛敦任傳

旨曰所撰樂章甚佳翻譯又符合漢文可即發

禮部具奏

○康熙二十二年九月壬午

上駐蹕大馬家庄

御行幄聽政吏部題

盛京贊禮郎錯誤。應罰俸六月。

上謂扈從學士阿蘭泰曰。祭

陵大禮。一歲不過數行。前曾有贊禮錯誤被叅

者。今復有之。皆曰未擇可用之人耳。應作何

選用。令大學士等議奏。

○十月辛亥。宗人府題冬至祭

陵寢。應遣公烏友行禮。

上預大學士等曰。祭祀

陵寢。關係典禮。烏友幼穉無知。恐有錯誤。應遣

年長老成之人。往司其事。爾等可傳諭宗人

府。另擬以聞。

○十一月戊子。左副都御史趙士麟題齋戒

官員甚少。宜令整肅。其執事人役。亦應令

一體齋戒。

上曰。此奏甚是。祭祀須極虔潔。朕觀凡祭祀之

所。朕躬詣後。方寂然無聲。若朕未到之先。往

來雜選談笑不休。及祭畢回鑾。即囂然紊亂。不遵次序。摩肩接踵。殊無禮容。甚至隨後人役。將大臣官員擁擠。體統奚存。可令嚴行定例。禮部覆言。凡祭祀之所。有喧譁失儀。奔走越次者。應行禁止。

上又謂大學士等曰。祭祀昭格神明。國家大典。務極嚴肅。使進退行止有序。方稱誠敬之意。可令該部再加詳議。於是部覆。嗣後遇有祭

祀。專委都察院滿漢御史嚴行監視。若執事之人。不加嚴肅者。分別有無官職議處。其有齋戒不虔者。仍照定例罪之。

上報可。

○十二月乙卯。

上因禮臣奏筵宴事宜。

諭議政王等曰。元旦賜宴。布設滿洲筵席。甚為繁瑣。每以一時宴會。多殺牲畜。朕心不忍。且

數百筵席皆用金銀器不肖之徒乘忙竊取間多有之及至被獲法不可宥竟加之罪又非令節慶賞初心自後元旦賜宴改滿席為漢席既可以省繁冗其不肖者亦不致罹法矣但舊例相沿已知應否更改議政王大臣會議具奏王諸臣奏言改漢席誠便

上乃命禮部等詳議酌定有核酒醴之品悉有常制焉

○康熙二十三年正月壬辰禮部題自後筵宴請撥兵部司官及每旗護軍恭領護軍校監察

上曰筵宴關係大禮百僚齊集宜各加敬謹始無失儀之譽朕見元旦朝會旗下官員雜坐無紀大禮所在豈容慢忽禮部可會同兵部及八旗都統嚴加申飭毋至紊越

○三月辛巳給事中王承祖疏言當今四海

昇平要荒嚮化正宜巡覽風俗勸課農桑
請倣古帝時巡之典省方東土秩祀岱嶽
以祈年豐兼幸闕里致祭以光文治
上命九卿詹事科道集議於是九卿等奏言
皇上敬

天勤民勵精宵旰凡

鑿輿巡歷所至之地輒咨詢吏治延訪輿情
軫念芻黎加恩鄣屋此即帝舜省方觀后

考績問俗之至意茲

車駕行經泰岱宜行燔柴禮如

圜丘大祀之禮其泰岱泰山之神宜如祭五嶽禮

遣官致祭至詣闕里

親祭孔子亦如康熙八年

幸學釋奠禮恭酌舉行

上從之

○乙酉太常寺題康熙二十二年用過錢糧

數目

上印觀此所用錢糧數目頗有浮冒。若行核減，不無贏餘。但太常寺開銷皆祭祀所用，如定價核減，已後犧牲菓品，恐以贏貲不堪者充數，非豐潔享神之意也。祀典關係重大，用過錢糧，姑照該衙門銷算完結。

○五月己巳

勅諭大學士等曰：茲者纂修大清會典於康熙

二十三年五月十二日開館，朕聞一代之興，必有一代之治法，著為道揆，布在方策，用以昭示臣民，垂憲萬世，至弘遠也。我

太祖高皇帝大業開基，規模肇造。

宗文皇帝膚功耆定，軌物聿興。暨我

世祖章皇帝統一寰區，創垂兼裕。諸凡命官定

制，靡不準今酌古，綱舉目張，郁郁彬彬，無以尚矣。逮朕御極以來，恪遵成憲，率由弗渝，間

有損益亦皆目時制宜期臻盡善俾中外羣
工知所稟承勿致隕越顧其條例事宜多散
見於卷牘在百司既艱於考覈而兆姓亦無
由通曉今命部院大小等衙門各委屬員詳
加察輯用成會典一書特命卿等為總裁官
其董率各員恪勤乃事務使文質適中事理
咸備行諸今而無弊傳諸後而可徵悉心考
訂克成一代之典俾子孫臣庶遵守罔愆以

副朕法

祖圖治之意卿等其勉之欽哉

○康熙二十四年正月癸酉

上以孟春

親詣

太廟致祭畢

顧內閣學士席爾達太常卿葛思恭曰往見贊
禮郎宣讀祝版至朕名聲輒不揚父前子名

禮經所載朕對越之次惟懼誠敬稍有未至
無以昭格神靈為子孫者通名於祖父豈可
涉於慢易自後俱令高聲朗讀毋庸顧忌
○辛巳

上詣

祈穀壇致祭畢

顧內閣學士席爾達太常寺卿葛思恭曰前見
太廟致祭時執事官捧福胙由

兩神位間趨走於尊

祖敬

宗之意未協爾等曾稽舊例否席爾達等奏太常
紀書禮部會典俱未載

上印對越

祖

宗

典禮甚鉅惟嚴肅不懈始可薦馨在廟奔走之
人亦當誠恪將事共襄大禮不應稍有褻慢

且亞獻禮俱唱為次獻亦與漢文不符爾等
會同內閣禮部察例以聞

○三月己卯太常寺題孟夏祭

太廟或

親祭或遣官恭代

上曰禮祀大典朕歷來必皆親祭。適因朕躬違
和之後。雨膝微楚。未能行禮。心正不安。昨日
誕辰。天雨。免百官朝賀。於衷甚愜。可傳諭太

常寺。此一次暫遣官恭代。

○康熙二十五年二月甲辰

太祖高皇帝實錄聖訓告成

上御太和門立視捧送

實錄聖訓進宮監修總裁纂修等官上表行禮。諸

王以下文武羣臣慶賀畢。

上曰

太祖高皇帝聖德神功編輯成書。朕心忻悅。與卿

等同之各

賜茶出隨加賞賚

○十一月辛卯初提督陳世凱請於祭祀孔廟時武官均照文臣例一體瞻禮事下禮部不准行

上曰武臣亦當詣孔子廟行禮其下九卿詹事科道議之至是諸臣言至聖之道初無文武區分應如提臣所請春秋二丁致祭文廟令

武官二品以上陪祭各省府州縣等學協領副將以上均令行禮

詔曰可

○康熙二十八年正月乙酉

上至泰山行禮登陟畢

手諭扈從部院諸臣曰朕巡歷所至再經岱麓祠宇依然乃詢廟祝則香火荒涼日用難給岱頂諸廟亦如之念泰山為五嶽長載在祀

典有功社稷。豈可使漸就寥落。今於每歲香
稅內量給數百金。使上下嶽廟。與元君諸祠
守祀者。有所資給。益得晝夜盡心。時加修葺。
用壯觀瞻。稱朕崇祀至意。爾諸臣其與山東
巡撫藩臬會議以聞。諸臣議奏曰。泰山祠宇
原有每年儲備修葺工銀一千餘兩。今請
更於香稅內每年動支四百兩。分給東嶽
神廟。及岱頂碧霞元君祠。俾守祀者香火
修葺。兩有攸賴。仍令山東巡撫稽察注冊
奏銷。無使有司剋扣虛冒。

上報可

○康熙二十九年四月辛亥大清會典告成

總裁大學士伊桑阿等進呈

御覽滿漢文計二十四函二百八十冊請

御製序文

上大嘉悅曰應行典禮察例具奏序文即頒發

○康熙二十九年四月丁亥

御製大清會典序曰朕惟自古帝王憲天出治經世宜民莫不立之章程允釐庶績二帝三王之成迹畧見於尚書周禮唐虞以九官岳牧綜理內外而周則六卿分職各率其屬並以時亮天功阜成兆姓責有攸歸斯事胥就理上古之世其事簡其辭約故見於書者祇咨命數言而賦政任功之意周禮蓋詳焉沿

及唐宋倣為六典輯為會要悉本斯義明初撰諸司職掌其後因之勒成會典雖累代制作不能盡同要皆舉弘綱詳細即變通因革亦各其宜也洪惟我

太祖高皇帝肇造區宇戡亂救民當草昧締構之初而法制惟新規模大定

太宗文皇帝式廓丕基聿緯以武聿經以文典則科條次第釐舉

世祖章皇帝同風六合。遍德萬邦。府修事和聲。教洋溢。凡所以黼藻至化。潤色鴻業。者郁郁彬彬。粲乎備矣。朕嗣歷服三十年於茲。夙夜兢兢。繼承

祖考憲章前謨。以仰翹乎堯舜禹湯文武致治

之隆軌。時飭羣臣。勤修職業。每建一事。布一令。務期上弗戾於古。下克誠於民。酌劑討論。其難其慎。然後付所司奉行。夫朝廷之規制

損益。無一不關於黎庶。大中之軌立。則易而可循。畫一之法行。則簡而可守。制治保邦之道。惟成憲是稽。不綦重歟。用是特命儒臣。纂輯會典。綱維條格。甄錄無遺。終始本末。犁然共貫。庶幾大經大法。炳耀日星。而遵道路者咸得有所據依矣。詩不云乎。不愆不忘。率由舊章。書有之。其爾典常作之師。我國家典章。弘備視前代。加詳悉。皆本之實心。以相推準。

而非緣飾虛文。鋪張治具。惟茲良法。美意相與。世世恪遵。無斁官治民察。以躋斯世於隆平。萬年無疆之休。將於是乎在矣。可不念哉。

○康熙三十一年六月癸未。禮部題祭

永 福 昭
陵 陵 昭

陵各遣

盛京官一員致祭

上曰。祭陵之事。典禮攸關。當遣厚重敬慎之人。

侍郎西安為人輕淨。嗣後一應祭祀。勿遣。

○康熙三十五年正月庚申。翰林院擬五嶽四瀆五鎮四海長白山及歷代帝王陵寢先師闕里廟祭文二十一道呈覽。

上曰。朕為比年旱澇頻仍。田穀不登。故為民祈福。取非因慶典祭告也。祭文內更宜發明朕

意

○康熙三十六年二月戊戌

上駐蹕大同

諭大學士伊桑阿等曰古者人君巡狩凡所過有前代帝王陵寢先賢瑩墓名山大川俱加裡祀此盛典也今朕此行途中有如古巡狩所當祭者祭之

○八月戊辰

上駐蹕行宮以四公主初婚筵宴先令土謝圖汗車臣汗額駙敦多布多爾吉及其兄弟來與宴者於網城門外為

皇太后行禮少頃

上陞座鳴贊官贊令行禮進宴樂作額駙噶爾藏獻酒執禮甚恭於是以次

賜飲謝

恩是日贊相侍從者皆肅然無失

聖心大悅

駕回行宮。隨令車臣汗等至網城前為

皇太子行禮。

○康熙四十年十二月辛巳

上親詣

太廟祭畢回宮傳

諭內閣禮部太常寺曰。朕自御極以來。一切祀
典。必敬謹齋戒。躬親展祭。以盡昭事之誠。四

十餘年於茲矣。每當臨祭之時。朕無一時不
敬。此禮部太常寺起居注官所共知。從來祭
祀。登降起立。莫不如常。此次行禮將畢。微覺
頭眩。朕之身體稍遜於前。於此可見祀典關
係重大。朕恐精力偶有不周。致敬心少。間可
以此意諭諸大臣等。着議奏。

○康熙四十一年正月癸卯。禮部太常寺會
同內閣議奏。嗣後凡遇大祭祀。恐

聖躬久立微眩請遣大臣恭代
上曰屆期仍令兩請朕若不能躬詣皇太子禮
儀嫻熟當遣代行

○康熙四十二年十月甲申

上西巡駐蹕涿州屬澤畔村北侍衛馬武傳

諭大學士馬齊曰朕所經之地若有應祭岳瀆
歷代帝王陵寢皆預奏聞於是

駐蹕洪洞則

遣領侍衛內大臣和碩額駙尚之隆致祭女

媯氏陵

駕入潼關則

遣禮部侍郎邵穆布致祭西嶽華山

駐蹕臨潼溫泉則

遣領侍衛內大臣和碩額駙尚之隆致祭漢

文帝陵焉

丙辰

丙辰係十一月十五日

上駐蹕西安府

諭乾清門侍衛馬武內閣學士色德里曰歷代帝王陵寢有附近西安者及本朝勲舊墳墓有在百里之內者察明併議祭奠具奏

○丁巳侍衛馬武學士色德里遵

旨查帝王陵寢勲舊墳墓併議周文武成康漢高祖宣帝唐高祖太宗宣宗陵寢遣官致祭提督張勇總兵梁化鳳墳墓遣官致奠

奏

詔曰可

○康熙四十五年七月甲子宗人府以簡親王雅布側妃所生女下嫁李迪請照多羅貝勒之女品級封為多羅格格嗣後凡王貝勒側妃所生之如俱減二等授封

上謂大學士等曰所議甚是至格格衣飾車轎儀仗等物着會同禮部定議以聞

○康熙五十年四月庚午

上問大學士張玉書曰九卿內可有習律呂之學者否爾等問奏甲戌大學士張玉書奏曰臣^等者遵

旨問九卿律呂之學皆不過涉覽律呂新書未能細心研究草莽之中或有通習者亦未可定

上曰朱子全書凡天文地理樂律曆數非泛然空論皆能確見所以然之故朕常細加尋繹欲求毫釐之差亦不可得即如徑一圍三畸零之數講論已自通徹尚有留俟後人參考之語朱子學問言言實際朕甚服之黃鐘之管朕曾試過葭管飛灰未經候驗但地形南北高下不同一時難于定準張玉書奏曰古

時測候多在河南地方

上曰今如暢春園距京城觀星臺地形便微有

不同至於各節或同此一時未必同此一刻
知

